

原序 太極生人篇說

十二經臟腑合八卦畱說

外感五氣為病畱說

內傷五藏為病畱說

外傷五行為病畱說

薛生白醫西師秘

及

卷上



薛生白醫師

利及

光緒七年慈水楊采青
重校
浙甯簡香齋藏板

醫師秘笈序

鑿自周以來盛於西北和緩之於秦淳于意之
於齊張仲景劉河間之於燕趙華元化之于
中州當是時不聞有吳楚之鑿鑿從而相抗者南
北朝分而梁有徐文伯徐嗣伯者以鑿術神南
方之醫由是日盛而此學日替豈天運為之遷
移耶是亦可知已尋聞僻店遐陬其文獻不
傳於中土官是邦也未聞有挾奇書秘籍以

歸玄唯耜仙申公得鑒師祕授二卷錄之携
歸吳中余就松摩舒茂才案間取而卒讀之
異哉吳越之鑒又將流於滇中歟其言人之
生也本於太極挹陰交陽含精化氣氣乏則
天道自斁之理作人生本太極之圖以闡之
又曰五藏六府位有上下氣有陰陽本於八
卦故五行迭相生則迭相克六天道自斁之
理作十二經配合卦位之圖以明之又曰切脉

不垂世而聞者是勿略也。以人命試其術存也。
又取古人之說，作切脈九案，以圖以證之。又曰：臟
腑各有專病，甚則變之，則他經受其害。故又
作五行受病之圖，以驗之。固而推廣為推之病
辨，乃為病之藥，以類相從，不凌不雜，其理簡而
明。其說賅而博，噴是豈此醫藥之津梁也。
予作女年，得氏其書，在滇南，亦難得。相摩
悅，遂為刊布，俾業此者家置之冊，彼之所

謂秘者以而廣之不使毀玉師之得獨威於湛
中也是為序

醫師祕笈原序

祕笈一書乃滇南雲川學博李君九莖之祖上發公
作令山東聊城時有隱君子流寓其地爲人治病多
奇效乃父言恭公延之再三其人誓不入官衙後感
其誠出是書以授曰讀此可以爲良醫矣次日其人
卽去蓋隱者之祕笈也乾隆四十二年順寧太守佛
尼勒捐資刻成余適遊宦滇南因得之余觀是書所
言以太極陰陽河圖洛書先後天之理闡素問靈樞

難經金匱之旨發前人所未發實醫道之根源而其
脈症經藥又簡而明切而要誠渡世之寶筏也同志
者勿忽諸

元和耜仙申贊皇撰

醫師祕笈目次

卷上

原序

太極生人圖說

十二經藏府合八卦圖說

外感五氣爲病圖說

內傷五藏圖說

外傷五行圖說

附外傷雜異之物論

卷下

四診法論

望氣色
問病形

聞聲音

切脈

診脈圖法

浮中沉三部論
婦人胎脈辨

五藏本脈論
二十八脈辨

四時脈論

氣分陰陽脈論

十二經病脈合考用藥彙劑

傷寒暑熱溫病瘟疫論治

附刊

薛生白濕熱條辨 三十五條

醫師祕笈卷上

太極生人圖說

太極生人圖



中圓者太極之理人所
得於天之性固有魂魄
得於父母謂之元神因
有陰陽二氣升降交抱
於身中所以合從變化
而滋長不息也

周子曰無極而太極太極動而生陽靜而生陰言天地陰陽所以生人之本也朱子曰天以陰陽五行化生萬物氣以成形而理亦賦焉言天命之性乃人所以能生之本也今人但謂人之生也以父精母血合而成胎是但知津精血肉筋骨皮毛之生而不知陰陽二氣之所以生與人之知識所由來矣況太極之理乎夫太極者天理也理在氣先而二氣之良能爲鬼神鬼者陰之靈人之魄也卽人心之記性也神者

陽之靈人之魂也卽人心之悟性也太極之理鬼神
之靈雖不離乎陰陽二氣而鬼神在氣之先理又在
鬼神之先至於氣以成形則氣固不離乎形而氣又
爲形之本矣若因委以窮源則父精之中卽有陽氣
存焉母血之中卽有陰氣存焉假使精血之合不得
父之陽氣母之陰氣則敗精淤血而已何以成胎而
爲人以動作而生活乎陽氣之中卽有父之魂焉陰
氣之中卽有母之魂焉假使精血之中但有二氣固

能動作矣苟無父魂母魄在二氣之中則所生之人亦無知無識蠢然能動之一物而已何以能爲有知有識之人乎既有知識則天命之性存乎其中矣是故津精血肉筋骨皮毛者形也賴氣以成故朱子曰氣以成形也陰陽二氣相交相抱而人之魂魄斯凝聚其中魂魄者人之元神在人氣中所以能生假使陰陽二氣不相交抱則元神散失元神散失則理無所存不能動而生陽靜而生陰以從化而滋長形骸

矣何以生乎然則人之生也但由父母而不命於大
造乎則非也蓋入之二氣卽天地之二氣人之元神
卽天地間之鬼禪人之良心天理卽太極之理非有
二也盈天地間皆有此氣皆有鬼神皆有太極之理
故形交氣感之時其精血之凝合而成胎者以已身
之氣引觸乎大造之氣已心之理引觸乎太極之理
而凝聚胎中所以生而爲人也此先天有生之理也
夫不明乎先天有生之理何以知後天保生之道乎

是圖太極居中而元神包之者乃理在中心以存
理之旨明乎人心之中有此天命之理乃神明之主
而陰陽二氣所由生者是則人之所賴以生之本也
孔子曰人之生也直人之生存正由此理常存所以
不死此仁者之所以壽也知此則保生之道必以心
存乎理爲第一方也二層人之元神而陰陽二氣包
之者乃神在氣中神聚則氣集神散則氣散也所以
心體清明靜一無妄之人氣無所擾則常多壽如其

聲色貨利一切亂心者則喪其神明氣不寧靜故內
傷五藏而外感之邪亦易乘之至於陰陽二氣有所
偏勝有所衰弱則不能交抱不升不降陽與陰離陰
與陽絕而元神散失神不附氣死可知矣陰陽不交
抱而魂魄何所存乎知此則存神乃可以聚氣而養
氣乃可以存神又保生之道所必體用交致也三層
陽升陰降相爲交抱而四層以其從化所生抱之者
蓋氣以成形而氣卽在形中則形以固其氣而氣乃